

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NNE

KIKAO CHA SABA



**05 FEBRUARI, 2019**

## **ORODHA YA SHUGHULI ZA LEO**

### **MKUTANO WA KUMI NA NNE**

**KIKAO CHA SABA – TAREHE 05 FEBRUARI, 2019**

**I. DUA:**

**II. HATI ZA KWASILISHA MEZANI:**

#### **WAZIRI WA FEDHA NA MIPANGO:**

Taarifa ya Serikali kuhusu Tathmini ya Hali ya Uchumi na Utekelezaji wa Bajeti kwa Kipindi cha Julai hadi Desemba, 2018 na Mwelekeo hadi Juni, 2019.

#### **MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:**

Taarifa ya Kamati ya Kudumu ya Bunge ya Ardhi, Maliasili na Utalii kuhusu Shughuli za Kamati kwa Mwaka 2018.

#### **MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:**

Taarifa ya Kamati ya Kudumu ya Bunge ya Kilimo, Mifugo na Maji kuhusu Shughuli za Kamati kwa Mwaka 2018.

### **III. MASWALI:**

#### **OFISI YA WAZIRI MKUU:**

##### **69. MHESHIMIWA MAIDA HAMAD ABDALLAH (VITI MAALUM):**

Atamuuliza Mheshimiwa Waziri Mkuu:- Miradi ya MIVAF ina malengo mapana ya kuwaendeleza Wakulima wa Vijijini kibiashara na kimitaji na hatua za awali kama vile ujenzi wa barabara za Vijijini umekamilika lakini pia masoko ya kuongeza thamani yapo katika hatua za kukamilika:-

- Je, ni lini hatua za mwisho za kuwawezesha Wananchi kimitaji itaanza rasmi kwa upande wa Zanzibar.

#### **OFISI YA RAIS (TAMISEMI):**

##### **70. MHESHIMIWA IGNAS ALOYCE MALOCHA (KWELA):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itatoa fedha za kukamilisha ujenzi wa Kituo cha Afya kilichopo Kata ya llemba katika Halmashauri ya Sumbawanga.

### **OFISI YA RAIS (UTUMISHI NA UTAWALA BORA):**

#### **71. MHESHIMIWA DKT. SHUKURU JUMANNE KAWAMBWA (BAGAMOYO):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Vitongoji vingi katika Jimbo la Bagamoyo havijafikiwa na mpango wa TASAF wa kunusuru Kaya maskini nchini:-

Je, ni lini TASAF itaviiringiza Vitongoji hivyo katika mpango wake wa kunusuru Kaya maskini.

#### **72. MHESHIMIWA JANETH MAURICE MASABURI (KUTEULIWA):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Kumekuwa na upungufu wa Rasilimali Watu katika Taasisi za Umma na baadhi ya Watumishi kushindwa kufanya maamuzi:-

Je, Serikali ina mpango gani wa kutenga fedha kwa ajili ya mafunzo ndani na nje ya

nchi kwa Watumishi wa Umma ili kuwajengea uwezo na kuleta tija kwa Taifa.

### **OFISI YA MAKAMU WA RAIS (MUUNGANO NA MAZINGIRA):**

#### **73. MHESHIMIWA ABDALLA HAJI ALI (KIWANI):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Mfuko wa kichocheo cha maendeleo ya Jimbo (CDCF)" hutolewa kila mwaka kwa Majimbo yote ya Uchaguzi Tanzania lakini fedha hizi zimekuwa zikichelewa sana kutolewa kwa upande wa Zanzibar tofauti na Tanzania Bara:-

Je, ni sababu zipi za msingi zinazofanya fedha za Mfuko huo kuchelewa kupelekwa Zanzibar.

#### **WIZARA YA MADINI:**

#### **74. MHESHIMIWA MARYAM SALUM MSABAHA (VITI MAALUM):**

Atamuuliza Mheshimiwa Waziri wa Madini:- Wachimbaji wadogo wadogo wa madini nchini wamekuwa wakipoteza maisha mara kwa mara kwenye Migodi:-

Je, ni lini Serikali itawapatia zana za kisasa pamoja na elimu ya kutosha Wachimbaji hao.

**75. MHESHIMIWA AGNES MATHEW MARWA (VITI MAALUM):**

Atamuuliza Mheshimiwa Waziri wa Madini:- Wananchi wengi walibomolewa nyumba zao na Mgodi wa ACACIA uliopo Nyamongo Wilayani Tarime na wengine hawajalipwa fidia ya maeneo yao mpaka sasa. Aidha Mgodi huo pia umeanza kuchimba chini ya ardhi ya maeneo ya watu (*underground mining*):-

Je, ni lini Mgodi wa ACACIA uliopo Nyamongo utalipa fidia kwa Wananchi hao.

#### **WIZARA YA MIFUGO NA UVUVI:**

**76. MHESHIMIWA ALLY SEIF UNGANDO (KIBITI):**

Atamuuliza Mheshimiwa Waziri wa Mifugo na Uvubi:- Katika Jimbo la Kibiti kuna mifugo mingi kama Ng'ombe, Mbuzi na Kondoo, hivyo kusababisha mtafaruku baina ya Wakulima na Wafugaji kwani Wafugaji hawajawekewa mazingira rafiki kwa mifugo yao:-

(a) Je, Serikali ina mkakati gani wa kuboresha mazingira rafiki kwa Mfugaji;

(b) Je, ni lini mazingira hayo yataboreshwa.

#### **WIZARA YA KATIBA NA SHERIA:**

#### **77. MHESHIMIWA ALLAN JOSEPH KIULA (IRAMBA MASHARIKI):**

Atamuuliza Mheshimiwa Waziri wa Katiba na Sheria:- Wakazi wa Jimbo la Mkalama wanapata shida sana kufuata huduma za Mahakama katika Wilaya ya Iramba – Kiomboi umbali mrefu kutoka Mkalama:-

(a) Je, ni lini Serikali itajenga Mahakama ya Wilaya yalipo Makao Makuu ya Wilaya ya Mkalama;

(b) Je, Serikali ipo tayari kuanzisha Mahakama ya muda ya Wilaya katika majengo ya Mahakama ya Mwanzo Nduguti.

#### **WIZARA YA UJENZI, UCHUKUZI NA MAWASILIANO:**

#### **78. MHESHIMIWA ESTHER AMOS BULAYA (BUNDA MJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wananchi wa Vijiji vya Manyamanyama, Nyasura, Bunda Mjini na Balili mwezi Julai, 2003 walivunjiwa nyumba zao kupisha hifadhi ya barabara baada ya TANROADS kuongeza umiliki wa hifadhi toka mita 16 hadi mita 22.5:-

- (a) Je, Serikali ina mpango gani wa kuwalipa Wananchi hao fidia na ni lini itafanya hivyo;
- (b) Je, ni tathmini ipi itatumika kuwalipa kwani kumekuwepo na mserereko mkubwa wa thamani ya Shilingi.

**79. MHESHIMIWA ENG. RAMO MATALA MAKANI (TUNDURU KASKAZINI):**

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, Serikali ina mipango ipi ya muda mfupi, wa kati na mrefu ya kushughulikia changamoto zinazojitokeza katika matengenezo ya miundombinu nchini baada ya ujenzi wake kukamilika.

**80. MHESHIMIWA PAULINE PHILIP GEKUL (BABATI MJINI):**

Atamuuliza Mheshimiwa Waziri wa Ujenzi,  
Uchukuzi na Mawasiliano:-

- (a) Je, ni lini Wananchi wanaodai fidia kutokana na barabara ya mchepuo kutoka Arusha – Singida na Arusha – Dodoma katika Mji wa Babati watalipwa fidia;
- (b) Je, ni lini ujenzi wa barabara hizo utaanza.

#### **WIZARA YA MAMBO YA NDANI YA NCHI:**

##### **81. MHESHIMIWA DANIEL NICODEMUS NSANZUGWANKO (KASULU MJINI):**

Atamuuliza Mheshimiwa Waziri wa Mambo ya Ndani ya Nchi:- Wafungwa wakimbizi toka nchi za Burundi na DRC wamekuwa wakijaza mahabusu na Magereza yetu:-

- (a) Je, kwa nini Serikali isikubaliane na nchi za Burundi na DRC kubadilishana Wafungwa ili Wakimbizi hao wafungwe katika nchi zao;
- (b) Je, wafungwa wa aina hiyo wanapokuwa Mahabusu na Magereza Shirika la UNHCR linachangia għarama kwa kiasi gani;

- (c) Je, UNHCR imechangia fedha kiasi gani kwa Wafungwa wakimbizi waliofungwa au kuwekwa Mahabusu nchini kuanzia mwaka 2017/18.

**82. MHESHIMIWA LUCY SIMON MAGERELI (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Tangazo la Serikali namba 257 kifungu cha 6 kinenelekeza faini za makosa ya barabarani kulipwa kwa Askari aliyeandika faini au kwa OCD au Ofisi ya Mhasibu aliyeoko karibu. GN hiyo imetoe nafasi ya kulipa faini ndani ya siku 7, endapo faini haitalipwa ndani ya siku 7 mkosaji atafikishwa Mahakamani ndani ya siku 10:-

- (a) Je, kwa nini Askari wa Usalama Barabarani huamua kushikilia magari ya wanaokamatwa wakati huohuo, wakati Sheria inasema walipe ndani ya siku 7;
- (b) Katika Mkoa wa Dar es Salaam kuna mashine za kieletroniki (POS) za kulipia faini na ANPR ambayo husaidia kufuatilia ambao wanakwepa kulipa faini walizoandikiwa; Je, Serikali ina mpango gani wa kuongeza upatikanaji wa POS

na ANPR ili kuепusha mifarakano na usumbufu unaojitokeza.

## **WIZARA YA MAJI:**

### **83. MHESHIMIWA HAROON MULLA PIRMOHAMED (MBARALI):**

Atamuuliza Mheshimiwa Waziri wa Maji:-

Je, ni lini Serikali itapeleka maji katika maeneo ya Kata za Mahongole katika Vijiji (6) Kata ya Mwatenga Vijiji (4), Kata ya Kongoro/Mswiswi Vijiji (2), Kata ya Utengule – usangu Vijiji (6), Kata ya Luhanga Vijiji (4), Kata ya Itambo Vijiji (4), Kata ya Chimala Vijiji (7), Kata ya Ihahi Vijiji (3), Kata ya Imalilo – Songwe Vijiji (5), Kata ya Igaua Vijiji (5), Kata ya Miyombweni Vijiji (5), Kata ya Mapogoro Vijiji (9) pamoja na Mji wa Rujewa.

## **WIZARA YA KILIMO:**

### **84. MHESHIMIWA BERNADETA KASABAGO MUSHASHU (VITI MAALUM):**

Atamuuliza Mheshimiwa Waziri wa Kilimo:-  
Kahawa ni zao la biashara na la kimkakati ingawa kwa miaka kadhaa bei ya zao hilo imeendelea kuwa chini:-

Je, Serikali ina mpango gani wa kuinua zao hilo Mkoani Kagera ikiwemo kupandisha bei ili kumnuifaisha Mkulima.

#### **IV. HOJA ZA KAMATI:**

##### **MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:**

Kwamba, Bunge sasa lipokee na kukubali Taarifa ya Kamati ya Ardhi, Maliasili na Utalii kuhusu Shughuli za Kamati kwa Mwaka 2018.

##### **MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Kilimo, Mifugo na Maji kuhusu Shughuli za Kamati kwa Mwaka 2018.

DODOMA  
05 FEBRUARI, 2019

S. KAGAIGAI  
KATIBU WA BUNGE